

Alen ko an Pacific

ENNAAN EO AN ERIA BŪREEJTŌNJI

Bwe Ren Maron Jab Entaan

Jen Elder Kevin W. Pearson

Ilo an Ijtō epaaktok, lōmṅak ko aṅ rej oktaklōk ṅan Jisōs im buruwōṅ rej obrak kōn iakwe im kaṅoolol kōn menin letok eo eḷap an Pinmuur eo eḷap. Ewi wāween an Pinmuur eo an Rilōmṅor eo kemour eṅtaan ko ad make? Etke ej bwe mālijjoṅ ko ad make im apaṅ ko rej jelōt ro jet erom pen, illu im jab tōmak, ak ro jet rej lo aenōṅṅan, inemṅan im eddōk lōk ilo tōmak ilo aer eṅtaan?

Epen ṅan lukkuun meḷeḷe eṅjake eo ilo ānbwin, ak metak ilo jetōb an bar juon, ṁae juon emōj an eṅjake jet men ko rāinlōk wōt. Kōn menin, eṅtaan eo eḷap eo ej bōk jikin ilo Jikin Kallip in Getsemane im ioon Dōbwāāl eo ilo Calvary ej ilōṅ in joṅak ko reḷḷap an armej ṅan aer meḷeḷe.

Nejin Anij wōt ekar maroṅ e eṅtaan in an baj juon kein baun eḷap. Eṅtaan eo an Jisōs eaar jelōt e make, aaet Anij, eḷap tata iaan men otemjej, ṅan wōtlōk kōn metak, im ṅan tṅor bōtōk-tōkin ilo aolep roṅin ānbwinin, im ṅan eṅtaan jimor ilo ānbwin im jetōb, Metak eo eaar ḷap bwe Eaar kajjitōk eḷaṅṅe enaaj kar pidodo ṅan e ṅan an maroṅ

juor jen e. Mekarta, Eaar kai-booj Jemen. Eaar leḷok bōk ṁōttan im kadedeḷok kōppopo eo an ṅan kōj (lale Doctrine and Covenants 19:18–19).

Meṅe Ij jab maroṅ lukkuun meḷeḷe menin, Ij kwaḷok aō kaṅool kōn Pinmuur eo Eḷap an Jisōs Kraist. E ej Rilōmṅor im Ripinmuur an aolep armej. Jerkakpeje eo an ej kabwilōṅlōṅ eo eḷap ilo rekoot in bwebwenato.

Jet iien ij kōḷmenlōkjen kōn ṁōttan ta eo iaan eṅtaan eo An ejejuwaan ekar menin aikuj ṅan jeramṅan eo aō im meṅe Imaroṅ in kijenmej i ṁōttan eo aō make. Rilōmṅor eo eaar kōnono kōn menin ke eaar ba: Jisōs eaar keaṅ kōj ṅan ukweḷok ak Enaaj dōṅlōk kōj kōn jokwōṅ in Loṅiū, im jen An illu, im jen An inepata, im ad eṅtaan ko renaaj lukkuun metak—Ewi joṅan an metak kwoj jab jeḷā, ewi joṅan aiboojoj kwoj jab jeḷā, aaet, ewi joṅan an pen ṅan kotak eok kwoj jab jeḷā. Eaar ba bwe Eaar eṅtaan kōn men kein kōn aolep armej bwe ren maroṅ jab eṅtaan eḷaṅṅe rej ukweḷok (lale Doctrine and Covenants 19:15–16).

Pinmuur eo ej letok juon iaḷ



Elder Kevin W. Pearson

ṅan eḷḷā ioon mej in kanniōk jen juon jerkakpeje an aolep eo enaaj kanemṅwoj ṅan aolep armej. Enaaj lukkuun kajimṅweik aolep bōd im nana im letok juon meḷeḷe bwe aolep armej ren maroṅ kwojarjar, erreō im jab libwijnjin, ṅan jepḷaak im pād imaan mejān Anij. Lukkuun emṅan, menin letok kein indeo rej itok ilo iakwe ilo juon wāween ṅan kōj ṅan kōjedoon jabdewōt eṅtaan ejeḷok tokjāer. Jisōs eaar ba bwe Eaar eṅtaan kōn men kein bwe ren maroṅ jab eṅtaan eḷaṅṅe renaaj ukweḷok. Eaar ba bwe eḷaṅṅe armej rej jab ukweḷok, rej aikuj eṅtaan āinwōt An kar kōṁmane (lale Doctrine and Covenants 19:16–17).

Pinmuur eo eļap ej ioļapļap ñan Karōk in Mōņōņō eo an Jemedwōj Ilañ. Ej letok juon ial ñan aikuj ko ejjeļok peek ioer kōn ekajet indeeo ñan maroñ tōpar im lukkuun ju bōro kōn jouj eo ekwojarjar, ñan aolep jetōb jān Adam ñan jemļokin laļ in. Jekjek ko me rej kōmņan bwe menin en tōprak rej pedped ko ñan kojpeļ eo an Jisōs Kraist.

Kein kajuon in iaan jekjek kein ej tōmak ilo Irooj Jisōs Kraist. Ewōr jekjek ko reoktak ak wāween ko an tōmak ekitbuuj kōņaan, kōjatdikdik, tōmak im kile. Rikanaan eo ilo Bok in Mormon Amulek eaar katakin: “Im āindein Enaaj bōktok lōmōr ñan aolep ro renaaj tōmak ilo Etan; eo ej unin katok in āliktata, ñan bōktok buruōn tiriaņo, eo ej anjō ioon kien, im ej bōktok wāween ko ñan armej bwe ren maroñ tōmak ñan ukweļok. Im āindein tiriaņo emaroñ kōttōprak akweļap ko an kien eo, im atbakwōji ilo pein kōjparok, ak eo ej kwaļok ejjeļok tōmak ñan ukweļok ej jedmatmat ñan aolepān kien eo ej akweļap ko an ekajet; kōn menin ñan wōt eo ewōr an tōmak ñan ukweļok ekar itok karōk in lōmōr in eļap im ejjeļok jemļokin” (Alma 34:15–16).

Ukweļok, kar kaņool jen juon bōro erub im juon jetōb

ettā ej jekjek eo kein karuo emenin aikuj ñan pinmuur eo. Meñe jej jab eñtaan āinwōt Rilōmōqor eaar eñtaan kōn jerawiwi ko ad, jet eñtaan rejjab menin aikuj. Elder Dallin H. Oaks eaar kōmeļeļeik: “Rijerawiwi ro rej ukweļok renaaj eņjake jet eñtaan ko ak kōnke ukweļok eo aer im Pinmuur eo rej jamin naaj eņjake likio in, aitokļok eo an kakkure eo ejjeļok jemļokin Rilōmōqor eo eaar eñtaan kake kōn jerawiwi ko.” Innām Būreejtōn Spencer W. Kimball eaar wōnņaanļok wōt. “Juon ejjab jino ukweļok māe ej lukkuun eñtaan kōn jerawiwi ko an . . . eļañne juon armej ej jañin eñtaan jene, ej jañin ukweļok jeni.” (“The Atonement and Faith,” *Ensign*, April 2010). Ukweļok eo eņool ej bōk metak an juon make im eñtaan kōn jerawiwi ko ad. Bōtaab ewōr men eļap an oktak ikōtaan buromōj in rianij im lukkuun aļok ak jook. Kōttōpar eo an eñtaan ej ñan bōktok juon bōro erub im juon jetōb ettā.

Ejjab aolep eñtaan kōn menin, rej waļok ko jān bōd an juon make. Jen joñan eo ekwojarjar mour in eaikuji jepellok eo jān iņaan mejān Anij im emenin aikuj bwe en waļok ilo juon peļaaak eo ejjab eņņan ijo ānbwin, eņjake im eñtaan ilo jetōb ej juon men eņool.

Eñtaan eo an Rilōmōqor eo etiriamō ekar kōn rijerawiwi eo ej ukweļok im armej eo ejjeļok ruwōn. Jiņor erro rej bōk kaļimņmur in ājmour jān metak im eñtaan. Alma eaar katakin: “Im Enaaj ilok, eñtaan kōn metak ko im kaeñtanaan ko im kapo ko otemjeļok; im menin bwe naan eo en maroñ kūrņool eo kar ba Enaaj bōk Ioon metak ko im nañinmej ko an armej ro An. Im Enaaj bōk Ioon mej, bwe E en maroñ kōtļok to ko an mej rej lukwōj armej ro An; im Enaaj bōk Ioon mōjino ko aer, bwe buruōn ren maroñ obrak kōn tiriaņo, ekkar ñan kanniok, bwe ok ekōjkan jipaņ armej ro An ekkar ñan mōjno ko aer” (Alma 7:11–12).

Ta eo jemaroñ ekkatak jen wāween an Pinmuur eo an Rilōmōqor eo naaj jipaņ kōj kōjekdoon metak ko ad make ejjeļok tokjāer im eñtaan?

1. Jen pen ilo pokake ñan kien ko an Anij jemaroñ kōjekdoon aolepāer metak ko reļļap an juon make im eñtaan.

Kien kein rej kaņool iakwe eo an Anij ñan kōj im an jipaņ kōj kōjekdoon metak ko an juon make ejjeļok tokjāer. Būreejtōn Marion G. Romney eaar katakin: “Eļañne aolep armej renaaj kar tōmak Jisōs, bōk e ilo naan ko an, im pokake kien ko an, jorāān ko kōmņan in armej im buromōj

ko renaaj kar aemed ļok āinwōt aiiij eo mōkta jen an tak al” (“Christ’s Atonement: The Gift Supreme,” *Ensign*, December 1973). Jar aolep iien an juon make im ekkatak jeje ko rekwojarjar ej bōktok inwe eo an Jetōb Kwojarjar nān mour ko ad. “Jetōb Kwojarjar eo ej jab maroñ kōtļok ad kōmņmane juon bōd eļap ilo an mōkta jab kakkōļ kōj” (Būreejtōn Boyd K. Packer). “Jetōb Kwojarjar enaaj kwaļok nān koņ aolep men ko koņij aikuj kōmņman” (2 Nipai 32:5). Kōmņmani im kōjparoki bujen ko rekwojarjar rej bōktok juon pelpel aolep iien im juon kōjparok ņae eñtaan eļap. Kōjeramņman ko rej itok jen wāppen an juon make.

2. Jemaroñ ukweļok, erom erreo im bōktok juon jemļok nān metak eo ad make im eñtaan jān jerawiwi ko ad.

Bar oktaklik ļok nān katak ko an Alma: “Im kiiō, ro jeiū im jatū, ikōņaan bwe . . . koņin wōnņmaantak im bōktok leen nān ukweļok . . . bwe lo, kiiō ej iien eoim raan in ļomņor eo ami; im kōn menin, eļañje koņ naaj ukweļok im jab kepen būruōmi, ejidimkij an naaj karōk in ļomņor eļap itok nān koņ” (Alam 34:30–31). Būreejtōn Romney kōmeļeļeik ļok wōt: “Ñe juon armej ej kōkarbōb e make nān bōk kōjeramņman ko an tōprak eo an pinmuur

eo an Kraist, e ej kōn kajoor in jeorļok bōd eo an Anij kōn jerawiwi ko an; e ej bar ļotak jān Jetōb eo; e ej juon armej ekāāl; e ej bōk lukkuun piktok eo ekwojarjar; e ‘jab bar itok wōt in kōmņman nana, ak nān kōmņman emņman wōt’ (Mosaia 5:2); ewōr an aenōmņman in jeļā emņman im nana im ej obrak kōn lañlōñ” (“Christ’s Atonement: The Gift Supreme,” *Ensign*, December 1973). Kar kalimņur i kōj kōn jeorļok bōd ilo ad mōl in ukweļok kōn juon bōro erup im jetōb ettā.

3. Ilo ad itok nān Rilomņor eo enaaj ļōñaj eddo ko ad, kōmeraik ļok eñtaan eo ad im bōktok nān kōj jekjek eo, aenōmņma im kaenōmņman.

Kōnke ewōr ad anemkwoj jemaroñ kālet nān kōmņman im jab nān kipel nān kōmņman. Ñe mālijoñ ko im apañ rej itok ilo iaļ eo ad jemaroñ kālet nān kapidodoik būruwōd, oktakļok nān Jemedwōj Ilañ im kappok jipañ im kaenōmņman ilo Nejin im Jetōb Kwojarjar. Raar kalimņur nān kaenōmņman kōj im nān ļōñaj eddo ko ad im kōmeraik ļok eñtaan eo ad. Ak jemaroñ kālet nān eñtaan kōn kōj make, kapen būruwōd im emņool jōkpen ņae Anij kōn eñtaan eo ad. Rilomņor eo eaar kalimņur: “Koņin itok nān Ippa, koņ otemjej rej jermal im ban, im Inaaj kakkijeik koņ.

Koņwin bōk Aō ine im likūte i aerami, im katak Ippa, bwe Ij ineemņman im ettā būruō, im koņ naaj lo an ami kak-kije. Bwe Aō ine ej emņman, im men eo Ij ineke e mōrā” (Matu 11:28–30). “I jamin likūt koņ atajinemjen, I naaj iwōj nān koņ” (Jon 14:18). “Ilo laļ in enaaj wōr ami mālijoñ; bōtaab koņin peran; Ña Iar bōk anjō ioon laļ” (Jon 16:33). “Aenōmņman Ij likūt ņa ippemi, Aō aenōmņman Ij lewōj nān koņ. Ña Ij lewōj nān koņ, jab āinwōt an laļ lewōj. En jab pok būruemi, im en jab lōļņoñ.”

Ij kwaļok kaņool kōn mōol eo an kōjeramņman kein. Jān jeļā eo aō make emōj aō kar katak bwe ilo ad naaj epaak-eļok Jemedwōj Ilañ im Nejin ñe idajoñjoñ ko im apañ ko an mour kōtmene kaki rej itok renaaj lukkuun in epaak tok kōj. Renaaj kōmeraik ļok eddo ko ad im bōktok aenōmņman, kaenōmņman im meļeļe. Rejamin ‘naaj kōmakeik kōj ļok ilo jab aenemņman’, renaaj ‘itok nān kōj’.

Kōmņman bwe jān ļapļok ad kememej im meļeļe bwe jejjab aikuj eñtaan eļaññe jenaaj iien otemjeļok ukweļok im itok nān Rilomņor eo an Laļ in. Ij kaņool kōn Jisōs Kraist. E ej Rilomņor eo im Ripinmuur eo an aolep armej. Ijeļā bwe aō Rilomņor ej mour. ■

Juon laḷ an Bainier ilo Papua New Guinea

Jen Elder Robert Snow im Sister Theone Snow

Ilo jino 1960 ko Viba Rome, juon likao eo me baamḷe eo an raar membōr ro rekūjīneḷe in London Missionary Society Church ilo Papua New Guinea, kar kein kajuon eḷjake eo aer kōn kajoor in jar ke jar eo an eḷool-kōn aolepen būruwōn kar uwaak ilo juon iien aikuj eḷap, ke eaar jokālet ḷan aiin nii ko ḷan baamḷe eo.

Nii ko renno tata raar pād ilo nii ko raitok tata im eaar tallōn ḷan an būk waini ko im nii ko jimor. Ke eaar pād ijo eutieḷ juon kōto eaar letlet, kōmḷan bwe kimeḷ in nii eo en ejopelpel im kob. Rome eaar kanooḷ kedepdep, kile bwe enaaḷ kar pen im kauwōtata ḷan to laḷ ḷok. Kar kor, eaar kālet ḷan jar ḷan Jemedwōḷ Ilaḷ kōn tōl im jipaḷ. Ālkin jet minit ko in an jar juon aenōmḷan eaar itok ḷan e im eaar jeḷā bwe naaḷ kar kōḷparok e. Ilo ineemḷan eaar to laḷ ḷok ḷan ioon bwideḷ, im eḷjake eo eaar erom lōke eo eḷwilaḷ tata jinoin tata ilo Jemedwōḷ Ilaḷ.

Kōn menin kōppopo eo an Rome ḷan erom juon iaan bainier ro an Kabuḷ eo an Jisōs Kraist im Armej ro Rekwojarjar ilo Raan-ko Āliktata ilo Papua New Guinea, im juon ritōl aorōk im rikōḷparok an tōmak.

Iiō ko ālkin iien in ilōn, ilo 1980, Rome eaar jokwe ippān lio pāleen, Mauveri, im jilu ro ilo jikin eo 2 maḷ ilo Port Moresby. Elder Douglas Campbell im lio pāleen, juon mijenede kabōḷ jān USA kar loḷok jikin eo. Mijenede kabōḷ in raar lo bwe wāween eo emḷan tata ḷan ioon rūtto ro eaar ḷoktata jeḷā kajien ajri ro im āinwōt juon tōprak, rekōn kōmḷan bwe jet ajri ro ren kajutak peier, ilo aer etetal ilo jikin eo. Sister Mauveri, āinwōt aolep ḷama ro rej kea, eaar kōḷnaan jeḷā eḷapḷok kōn armej rein me raar ḷōttāik ajri ro neḷin, kōn menin eaar jino kōnono ippāer. Menin eaar tōl ḷok ḷan jimor Rome im Mauveri ḷan kar katakin er kōḷpeḷ eo

im, ejjab etto, kar peptaiḷ im membōr in Kabuḷ in.

Rome eaar kwōle kōn jeḷāḷokjeḷ eo kōn Kōḷpeḷ eo im kar kōmḷane juon iminene kōn ekkatak jeje ko rekwojarjar aolep boḷ. Eaar lo tōl im iaḷ eo ke eaar riit im keḷōkḷokjeḷ kōn Doctrine and Covenants. Enaḷin emen allōn ko ālkin peptaiḷ eo an, ke eaar ekkatak jān Baibōḷ eo im riit kōn Jisōs Kraist im pinmuur eo an im ekōḷkan an armej kar kōmḷan ḷan Rilōmḷor eo ḷae iien debwāll An, eḷjake eo emḷan tata eaar itok ḷan e. Rome eaar bōk juon an naan in kaḷool make kōn Rilōmḷor eo im iakwe eo An ḷan e. Eḷjake eo eaar lukkuun in kajoor joḷan Rome ej ba: “Iaar jaḷ āinwōt juon ajri edik, eḷajke eḷtaan eo Rilōmḷor eo eaar aikuj in dipuki ḷan kōḷ. Iaar ḷooḷ eō make jān lio pāleō bwe en jab lo aō jaḷ”.

Kōn naan in kaḷool eo an euruur ilo ubōn, Rome eaar kōḷnaan kwaḷok menin ippān ro jinen im jemen, kōn menin eaar roḷ ḷok ḷan bukōn eo aer ḷan jiroḷ er kōn kōḷpeḷ eo. Meḷe ro jinen im jemen raar membōr in London Mission Society reniknik, raar roḷjake ennaan eo an Rome im kar uḷur er jān Jetōb. Raar peptaiḷ, koba ippān ro ulepen Rome im kōrā ro naaḷ jinen, im ejjab tok ālkin būratōr ro an jilu im sister eo an aolep raar uwaan Kabuḷ in barāinwōt.

Ālkin peptaiḷ ko aer, eaar wōr juon oktak in ḷōmḷak kōn er jān aolepen ribukōn eo, ro raar illu ippāer im raar elamōḷmōḷ itunamōḷ in kapijuknen eo an jinen im jemen Rome ilo iien kweilok in kwoḷkwoḷ ko, im kad ḷok ḷweo. Kaeḷtaanan ko raar wōnḷaanḷok wōt, ilo an ribukōn eo rupe im deḷōḷne ḷweo eo im rupe kōbat ko im men ko jet ḷweier. Raar kamijak Rome im jinen im jemen. Raar illūk aḷaḷ ko ilowaan iaḷ eo ḷan kabōḷrak an membōr ro pād ilo kweilok ko. Meḷe jet iaan rioktak ro ḷoktata raar bōḷrak jān



Vaiba Rome ippān Pacific Eria Būreejtōn Elder James J. Hamula, im Sister Joyce Hamula.

kaeñtaanan eo im ilok jān Kabuñ in kōn mijak, Rome im baamle eo an make im ro nukun raar epaake lok doon jeļā bwe ewōr ippāer menin letok eo aorōk an jepļaaktok eo an Kojpeļ eo me eaar ļapļok an aorōk jān mour make.

Ke Rome eaar koba tok ilo Kabuñ in eaar wōr enañin roñoul membōr ro rej pād ilo kweilok in kwojkwoj ko ilo m̄weo imōn Red Cross eo ilo 3 M̄ail, juon jikin ilo Port Moresby. Eaar m̄ō- n̄ōn̄ō in kar bōk kūr eo ñan jermal im ilo 1985 eo, ke eaar jermal ainwōt juon rūkaki in Būraimere, kar kūr e ñan jermal ainwōt juon Branch Būreejtōn an Port Moresby Branch, eo eaar jino juon mour etiljek in jermal ilo Kabuñ in. Ilo 1990 eo kar kūr e ainwōt juon District Būreejtōn, ālkin eaar erom RiPapua New Guinea Stake Būreejtōn eo mok- tata ilo 1999.

Naan in kaṃool eo an Rome kar kōkajoorļok jān elōñ eñjake ko ilo jetōb ilo iio in tōl ko an ilo Kabuñ in. Ikirelel eo an ñan jermal ñan Jemedwōj Ilañ eaar jab tinaad ak bweradikļok kōn iien. Ej wōnṃaanļok wōt ñan jermal ainwōt juon Rikakpilōklōk ñan Mijen Būreejtōn eo im ewōr juon an jermal eļap an aorōk kōn kejarok ineemṃan eo ñan Kabuñ in. E ej bwebwenato eo an Helamōn im Moronai ilo Port Moresby ilo an kōjparok membōr ro, men ko m̄weien Kabuñ in, im aolep ritōl ro an Kabuñ in rej lotok me rej itok ñan Papua New Guinea ñan jīpañ ilo an eddōkļok. Elōñ iaan loļok kein rej ñan membōr ro me rej jokwe ilo jikin ko retoļļok.

Rome eaar dāpij juon naan in kaṃool ekajoor im emakijkij an kwaļok kaṃoolol eo an kōn armej ro me eaar m̄ōn̄ōn̄ō in koba ippāer ilo iio ko jiliñuul remootļok. Eaar eñjake im̄we eo an jen aer niknik, kaarmejeje, im ettōṃak, jab wōt ñan e make im kōrā eo pāleen, ak ñan aolep ajri ro nejier im jibwier.

Ekanooj in m̄ōkaj an Kabuñ in kar eddōkļok ilo iien in Rome eaar membōr im jermal. Jān kar

membōr imaan tata kar kwaļok ļok imaan, Kabuñ in emōj an eddōk ñan kobaik tok ruo stake ko, joñoulruo district ko im juon mijen ilo 2011 eo. Eddōkļok in oran membōr ej kōpetata in elōñ ļok jān 2500 juon iiō āinwōt tōprak in kijejeto ko an mijenede. Ien eo emūman ñan ekanooj lōñ armej ro remūman ilo Papua New Guinea ñan roñjake naan eo an Anij emaroñ kar jab pidodo ilo an ejjeļok kajoor im peran eo an bainier ro āinwōt Rome im baamļe eo an.

Rikwojarjr ro remūman an Papua New Guinea

raar lōñļok im orļok ilo aer kar ļoor katak ko an Rilomqor eo im elōñ iaer raar waanjoñak ko remūman an kojpeļ eo ilo makūtkūt ilo jukjuk in pād ko aer im bukwōn ko aer. Raar ilo mool juon meram ñan armej in Papua New Guinea.

(Rome im Mauveri rej jinen im jemen ralitok ajri ro: jiljilimjuon nejier leddik im juon ļaddik. Leddik ro nejier jilu Vami, Renagi im Diane, raar jerbale mijen ko aer ilo Australia im New Zealand, im Elder Rome Jr. ej kiiō jerbale juon mijen ilo Fiji.) ■

Makūtkūt In Kweilok Eo An Jodikdik Ro Ej Kwaļok Bwe Indeeo Ej Ijjino Kiiō

Jen Sulueti Kama im Fulisia Maiwiriwiri

Elōñļok jān 200 rūmūman ded ro raar pād ilo jilu raan kāām eo ilo LDS Church College in Fiji ilo Tijemba 2011 eo. Raar itok jān aolepen Fiji ñan katak, ñan ikkure, ñan kōmūman jemjerā, im ñan kōkajoorļok.

Unin tōl eo an kāām eo eaar “Indeeo Ej Ijjino Kiiō” im aolepen makūtkūt ko raar kōketak kālet ko me rej tōl ñan tampeļ im ñan Laļ Selestial.

laekwōj eo Ekabwilōñlōñ ñan Indeeo

Suva 3rd YSA ro raaar joļok elōñ wiik ko jerbale meļeļe ko an “laekwoj eo Ekabwilōñlōñ” ñan jab wōt idajoñjoñe jeļāļokjeņ eo an jeje ko rekwojarjar an rikāam ro ak barāinwōt jipañ er katak ñan jerbale ilo kumi ko im jeļā

kajien YSA ro jān ward ko im stake ko jet. Ikkure in an kumi eaar aikuji kajjojo ro rej bōk kuñ aer ñan kōjerbale jeje ko rekwojarjar āinwōt kūļu ko ñan ia eo ñan etal ñan e. Iaekwōj eaar pedped ioon pedped ko emen an katak ko an kojpeļ eo—tōmak, ukweļok, peptaij, im menin letok eo an Jetōb Kwojarjar. Kōn eļap kajoor, ettōñ im jetōb in jie, rikāam ro rej laudiñdiñ in ettōr to ettō tak ilo kāām eo pukōt im aiin aolep kūļu ko.


Ilo raan eo kein karuo, ro eaar wōr aer peba in mālim an tampeļ raar ilok ñan tampeļ ñan kōmūmani menin letok kwojarjar ko, peptaij ko im jerbale ko ej kab kein kajuon. Juon mweñan ejenolok an tampeļ eaar kōmūman ippān tampeļ būreejtōn eo, Būreejtōn Davis. Eaar kwaļok kaṃoolol eo

an kōn jerbale in jipañ ko aer ilo mweñan in ejenolok an tampeļ im kōnono kōn ewi joñan emūman eo ñan kar lo an tampeļ eo kar obrak kōn elōñ armej ro.

Ro me raar jab maroñ deļoñ e tampeļ eo kar katakin er jān Lote Qoroya, eo eaar kōnono kōn aorok in tampeļ ko, menin eaar ejaake juon ļōmṃak emwilaļ kōn kautiej im kaṃoolol eo kōn tampeļ. Ilo an kar rūmūman ded ro etetal ļok ñan meļan tampeļ eo raar kōmūmane ilo lukkuun kautiej, innām kōn ejjeļok ekeroro raar tūm ujooj ko; kaṃoolol im leṃōñōñō kōn kōjeramūman ko an Irooj ilo mour ko aer.

Būroojāak in Jerbale in Jipañ

Ālkin jerbale ilo tampeļ eo, elōñ ļok jān 180 YSA ro rej



YSA ro ilo kweilqk eo ilo Fiji

kŏnak “Mormon Helping Hands” nuknuk ko raar ilqk ŋan CWM Imŏn Taktŏ eo ŋan jermal ŋan rinaŋnmej ro ilo ānbwiin im kar eŋtaan. Jegan eo an CWM Imŏn Taktŏ eo, Ned Taito, kar bŏk eļapļqk jipaŋ jān an maroŋ kar kajjitŏk kake.

Jiljino kumi ko kar ejaaki, juon kumi eaar būraje jikin kŏmŋan mŏŋā eo; ruo kumi

raar raar kŏmŋan jermal in bar karŏk ruum ko an imŏn taktŏ eo ilo jilu būloor ko, kŏmakūt men ko ujkinen, im karreoik ruum ko ŋan aer kŏkāali im unoki. Bar juon kumi raar loļqk aolep Ward ko ŋan al Al in Kūrijmŏj ŋan rinaŋnmej ro, ilo an ro jet jermal itunaŋŏj aiin mŏttan māal ko im kein jermal ko eto aer ejerwawa ilo

meļan ko an imŏn taktŏ eo.

Men kein kar kanni ļqk ŋan lowaan juon tūrak im kar juļqki. Aolep raar errā emŋan aer mour kŏn jermal ŋan ro raar pād ilo aikuj.

Ilo joten ļqk eo YSA ro eaar wŏr aer iien emŋan ŋan kwaļqk tŏļan ko aer kŏn kŏjaŋjaŋ, al, eeb im kŏjaŋjaŋ kūta ko.

Kanebōl an Mour

Unin tōl eo an kweilok eo kar kālete nān jipān rūmman ded ro mejele bwe kālet ko rej kōmmani ilo mour in renaaj lukkuun jelet mour ko aer ilo indeeo.

Mačkūtūt ko an “Kanebōl an Mour” eaar kōmman ilo lalem iien ekkatak ko. . . . Jerbal/Jeļalokjen, Kōppopo in Mijenede, Pedped ko an Kōjpeļ, Joņak ko, im Kappok Mōttā/Māre an Tampeļ, barāinwōt kanebōl edik kōn ikkure ko repidodo im kapo ko an mour nān idajoņoņe eļāņje YSA ro renaaj likjab in kalimjōk menin kōttōpar ko an indeeo.

Ilo juon mejatoto eo ej jutak kōn kakkure im jilu raan ko in an marok lep ālkin debwāal eo an Kraist, YSA ro kar lukōj mejeer, im ilo ioļapļap in ekeroro im pok raar kajieoņ pukōt armej in kurub ko jet. Āliktata ruuņ eo eaar ikōn, al ko rōkōbōkakkak raar jino jaņ, im kar kajitōk ippāer nān kōmākūt men ej lukōj mejeer. Būreejtōn Sefeti kar nuknuk mouj jutak kōn Rilōmōqor eo, waļok ļok nān er. Eaar etetal ilubwilijier, jibwe er, kūr er kōn etaer. Eaar juon iien eo eļap an kōmweiur, im jetōb eo kar eņjake kar lukkuun kajoor.

Ālkin an “Kraist” kar loļok ro raar bōk kuņaer, eaar jutak ilo kōjām eo āinwōt juon Rilale kōjām, im ilo an kajjojo YSA ro kar rōqol ļok nān gym eo, raar kwaļok nān “Rilōmōqor” eo bok in jeje ko me raar kwaļok kālet ko

raar kōmmani ilo Kanebōl eo, im kar tōl ļok er nān Laļ Selestial, Laļ Terrestrial, Laļ Telestial, kar pedped iion kālet ko raar kōmmani imāanļok ilo mačkūtūt eo. Eaar juon katak ekajoor ilo an kar ļain eo apdikļok im kar pād ippān YSA ro ta eo eaar waļok, im ekōjkan an jokālet ko aer mōkta ļok kwaļok ta jinekejeje eo indeeo raar bōke.

Elenoa Vukinamualevu jān Nadi Ward eaar kōppopo nān emmakūt nān mijen eo an ilo Jānwōde 2012. Eaar pād ilo kām eo ippān leddik ro ruo jatin. Ilo mačkūtūt eo an “Kanebōl an Mour” leddik ro jatin raar etal nān Laļ Selestial ilo an kar etal nān Laļ Terrestrial. Ilo naan in kaņool eo an tok ālik ilo joten eo eaar kwaļok an jook im būromōj ilo ta eo eaar waļok jān jokālet ko an. Eaar ba bwe ej aikuj in kar kwaļok waanjoņak eo nān leddik ro jatin bōtaab eaar jab, im eaar kwaļok bwe enaaj kar kōmmani kālet ko rejimwe ilo iien ko rej itok bwe en maroņ erre eo nān deļoņe Laļ Selestial.

Juon mijenede ej kab rool jān mijen eo eaar etal nān Laļ Telestial, eaar kile eaar kōnke eaar ļoor ro mōttan me raar kūr e jān Kanebōl eo, ke eaar ilok nān iien ekkatak eo. Kar kōketak jān ro mōttan nān koba ļok ippāer, im kar kālet nān jab etal nān iien ekkatak eo. Eaar katak nān an

meletlet ļok ilo jokālet ko an bwe en jab pād ilo Laļ Telestial nē Raan in Ekajet eo emool ej itok.

Juon likao eaar ba ilo iien bar lotok eo an Kraist e im ro mōttan raar emmakūt ļok nān bar gym eo ke kar jiroņ er bwe ren julok men ko rej pineje mejeer nān bōjrak jān kar kūr er nān bar kōmmani jet kain mačkūtūt, in-nām kar aļok kōn aer kar ettoļok kōnke “Kraist” eaar jab bar itok nān er, bōtaab kar pād wōt ippān ro raar pād imāan. Ke eaar lo ta eo eaar waļok, eaar kōņaan pād ijo Kraist eaar pād ie.

Elōn YSA ro raar kakobaba bwe renaaj bar ļomņak kōn jet iaan jokālet ko rej kōmmani kiiō, im bwe rej aikuj in kōmmane juon oktak nān emmanļok āinwōt tōrak in ta eo raar lo im eņjake ilo iien kanebōl in.

Kweilok eo an YSA eaar kōjjemļok kōn Kadiwōjļok an Institute, eo Stake Būreejtōn ro ralitok kar pād ie im juon District Būreejtōn ro raar pād ilo Fiji nān juon Kweilok an Kōqojeļ Kōmmane. Raar aolep leļok kapilok ko remeletlet im kwaļok naan in kaņool ko aer nān YSA ro; Elder Wakolo an Jiljilimjuonōul eo eaar kiili kōn kout 3 Nipai 1:29–30 . . . nē tōmak im jimwe rej dikļok, nana ej ļapļok. Eaar idajoņoņe YSA ro āinwōt diktak in epepen eo nān ukōt menin—nān kōļapļok tōmak im jimwe bwe nana enaaj dikļok. ■